



皇
明
文
衡

四

皇明文衡卷之七十二

神道碑

安定侯程忠愍公神道碑

朱善

初 皇帝念癸卯歲南昌暨康郎山前後死節之臣追爵故萬戶程國勝安定伯與梁國公趙德勝濟陽郡公丁晉即等一體廟祀久之又定元功配享

仁祖淳皇帝廟庭諸外有廟食者亦皆賜諡加勳遣使致祭有未備禮以葬者官為給之仍敕史臣勒功於神道之碑於是安定伯之兄吉輔以公嘗駐兵富陽愛其地而公族人之在杭者適獻兆于縣西長山之原乃自南昌遷廬而空焉臣善謹奉 詔上故贈開國輔運推誠宣力武臣榮祿大夫柱國安定忠愍侯事曰公諱國勝姓程氏世居徽之休寧初名元佐既從軍

上改賜今名其先本陳鎮西將軍開府儀同三司忠壯公靈洗之後忠壯當侯景之亂保捍州里有功其子散騎常侍威悼公文季死節于周父子廟食于徽號曰世忠威悼之後其顯于南者唐御史中丞歙州副統帥濛嘗起鄉兵拒黃巢有忠壯之風于南節居休寧陪郭甚盛其顯于北者唐六合令大辯徙中山再徙河南生明道伊川兩天子靖康末子孫從渡江居池州再遷徽州陪郭之程互繼其絕譜備具存可考也公會祖榮秀任元為江浙等處儒學提舉妣劉氏追封彭城縣君祖文貴宣義郎饒州路德興縣銅冶場提領妣鄭氏封安人考社至正末用薦為承奉班都知不赴妣吳氏公生

而英偉身長八尺美鬚髯見者知非常人方元政衰所在兵起公慨然思以自見于世乃與縣人俞茂發海人汪同等團結鄉兵以拒寇亂歲丁酉

天兵下徽州衛國公鄧愈發同與公等詣京師上大悅命同還守婺源而以公等從征授衛公奏署公為總管府先鋒分兵與裨將李克堂等徇下方山諸寨是歲十月苗軍揚完者部兵十萬薄徽州衛公揮勇驅士往當之成推公公率百餘人橫戈鼓譟衝之衆皆辟易自桐廬籍而統軍胡大海之兵適至因覆其營生禽其將胡辛等五百人楊完者僅以身免以功遷管軍總管戊戌正月從擊帖木兒普化元帥營于婺源正兵方與之戰公率諸奇兵擣之遂殺帖木兒普化伴士卒千餘人三月從攻嚴州道遇長鎗謝元帥軍戰却之遂拔嚴州五月偽吳張士誠與楊完者合兵犯嚴州公敗其舟師于東門追至大浪灘流矢中股引刀出鏃復戰勇氣彌厲以功進領軍先鋒己亥五月從衛公畧浙以臨安大破張冠于開林寨庚子七月鄱陽院判于光左丞俞椿擊走僞漢守將辛甲而據之衛公使公往說二人二人遂以饒州來附饒頭鄱湖而僞漢主陳友諒方據江州數遣舟師來爭衛公與光椿連長營拒之今公結陣敵壘之後絕其歸路賊屢不得志乃引去八月領兵取浮梁僞參政鄧邦佐棄城走進趨樂平僞總管蕭乙率五千人營于險隘衆莫敢先登公以死士持挺魚貫奮擊之奪其壘以入生禽萬戶彭壽等百人遂取樂平進攻江西十月衛公駐兵臨川之平塘時鄧克明據撫州遣使通款而實無降意公贊衛公卷甲夜趨比

巨入其軍克明單騎遁去遂取撫州以功除管軍萬戶壬寅正月

上親討友諒于江州友諒敗走公從衛公以兵會南昌分定屬邑癸卯四月有詔

皇姪以大都督總諸將友諒益發境內兵以巨艦來攻

皇姪分兵拒守公守寺步門寇犯之與戰虜其將一人寇兵奪氣而潰相拒凡八十五日寇兵戴竹盾如箕進薄撫州門

城壕三十餘丈衛公以火銃擊退之隨立木柵敵奮來爭且戰且築通夕城完公乃與牛海龍乘夜引兵劫賊營海龍為

流矢所中以死公泗水得脫見上於金陵具言危困之狀

上得公驚喜進陞萬戶上發舟師二十萬自將之令公率親兵宿衛帳下與友諒大戰康郎山友諒驍將張定邊奮前直

犯御舟舟適膠淺公仗劍叱之急與帳前左副指揮使韓城水軍元帥陳兆先駕飛舸左右奮擊會鄂國常公從傍射

中定遠號國俞公疾權來獲舟進水湧御舟遂脫而公等反逸敵艦之後援兵不接力戰死之時七月戊子也

上聞為之撫膺大慟親為文以奠焉公春秋僅三十有一配汪氏亦死于難追封安定侯夫人公平生喜讀書慕節義居

家孝友凡運籌決勝之方不學而能每戰踴躍率先赴敵矢石交下意氣自如堅城名寨身至力取一軍無不下之者

上悉其名故有賞資錦衣名馬必先一軍嗚呼癸卯距今蓋二十五年矣當草昧之時羣雄角逐雖天眷

真主昇之爪牙宣力之臣以佐大業而公等委身効命之死

不悔卒之勲載盟府與古英烈之士儔美齊名其高識絕見則亦有非偶然者矣仰惟

皇上獎忠酬勲度越前古恩禮之頒不一而足又將次第討論舉行世祿之典書之簡牘垂之後昆實足以勸千萬世為

人臣者乃序其事而繫之以銘銘曰

魏魏我皇天錫神武龍興江淮以復平土南征北伐拯世之屯魏虎

之臣疏附駿奔有偉程公萬夫之勇世忠之孫不震不竦維時江浙蒼為盜叢大獠東來仗劍以從始佐元戎有聲幕府

遂督偏師孰敢予侮苗軍鴟張暨彼長鎗公出戎行其鋒莫當徽嚴底平饒撫亦下解艦蔽江牙旗載馮西徇臨安以蹴

僞吳遏彼楚蠻以殿鄱湖皇念公勲顯有大賚玉馬錦裘異爾諸帥維是楚蠻反道不

共窺我豫章如曹如蜂維公誓言廓清江漢不與賊生背城以戰維

皇討賊耀兵江于公在扈行左右素隄敵兵來乘勝負未決死捍御舟勢孤援絕大星曉殞江水夜悲烈夫介士駢首

于危馬革之忠哀動宸極親奠以文賜之廟食載念艱虞死者如生爰爰其靈官治其壘褒功有爵獎忠有盜匪榮一

時以勸百世擔有衣冠公始蓋棺英魂依然玉帶貂蟬墓有享堂公在中寢四時烝嘗來食來飲富陽之山壽爵松楸成

公之志真此高丘神道有碑龜螭螭首史臣勒銘來詔厥後大明敕賜開國輔運推誠宣力武臣征西左副將軍

濟寧侯追封滕國公諡襄靖顯公神道碑

劉松

自昔國家與王之地必有才武雄傑之士出於其間以贊立
太功佐成大業為國虎臣享有祿位豈非天人文會之應哉
故征西左副將軍濟寧侯顧公名時字時舉世為臨淮人曾
祖千四府君以公貴贈鎮國將軍命大都督府事護軍追封
睢寧縣子妣王氏封睢寧縣子夫人祖文俊累贈驛騎將軍
都指揮使護軍追封武陵伯妣林氏封武陵伯夫人考道祥
累贈榮祿大夫同知大都督府事柱國封濟寧侯妣雷氏繼
潘氏俱封濟寧侯夫人公志氣個儻勇於有為元末政壞海
內大亂

皇上龍興淮甸思濟天下公以同里率先來附披堅執銳常
侍左右自歲甲午起兵西拔和州東渡大江凡擊叛討逆開
疆拓境靡不率從始由百夫長轉陞元帥尋同知天策衛親
軍指揮使司事繼調濠梁衛丙午 詔與東平侯韓政取濠
州破四門月城拔之洪武元年戊申從大將軍魏國公徐達
北定燕薊拜驃騎上將軍副大都督府事兼同知

太子率府事三年庚戌論功行賞進號開國輔運推誠宣力
武臣階榮祿大夫勲柱國職同知大都督府事爵濟寧侯食
祿一千五百石 賜以鐵券使子孫世襲焉明年辛亥授征
西左副將軍由興元取四川入階州擒其梟將王進克文州
綿州擊向家營寨破之又克漢州進圍成都偽夏丞相戴壽
等望風款附比師入重慶其主明昇出降四川平五年壬子
仍左副將軍從征虜前將軍曹國公李文中等分道入沙漢
與大將軍期失道薄糧且盡士卒不能戰公奮引麾下數百

人躍馬大呼衝薄部洛戰敗走之遂掠其輜重羊馬而還軍
勢復大振七年甲寅從魏國公愬各衛兵出鎮北平益築堡
障練士伍繕甲兵厲牧畜雖邊隅日靖晝夜從募府吏深計
遠算常若寇至明年乙卯 詔還尋有 旨從魏國公仍出
北平十二年己未秋遽邁奇疾藥弗能愈以是年冬十一月
二十一日薨享年四十有六計聞

上為之震悼輟朝二日明年庚申春二月己卯公喪歸自北
平舟行數千里迎祭墳道觀者感歎 敕賜鑿鍾山之陰
上親為舉奠復定誌文以 賜之明日 詔贈特進光祿大
夫左柱國追封勝國公益襄靖其始終榮寵可謂異數矣配
李氏封濟寧侯夫人今封勝國公夫人子男四人長曰敬金
吾前衛後千戶所鎮撫次曰英曰華曰苟爾女二人既葬其

孤敬泣而請于 朝曰惟先臣事
上二十餘年不幸蚤終顧神道之石銘文未勒敢援故事以
請予以見 聖朝眷待之厚且以慰先臣於地下也於是禮
曹以為言 詔可其請 命禮部侍郎臣松為之銘臣松職

在討論不敢以蕪陋辭謹狀次而書之且系以銘曰
聖人受命萬物咸觀乘時佐運各奮其武矯矯震靖生于
帝鄉

帝猶龍飛雲從之翔自淮渡江首定建業公時左右執俘獻
捷領兵東向遂夷月城電擊颺馳濠梁以清北收燕薊旋拜
驃騎榮勲豐祿券鐵以誓乃 命西討進自漢中取道階文
山峴水深途圍成都作氣一鼓千夫投戈殄厥孱主既從征
虜北度陰山擁禦奮呼出其險藉薄衝部落免脫鶻擊掠其

牛馬還給軍食主將上功

帝憫爾勞四方既平汝弓其囊囊弓戢戈北守燕薊嚴其扁鑄式謹邊事深水茫茫居庸開闢馬絕南牧城無晝關公歸未期遂以計告沿邊驚呼當守嗟悼襄靖有諡滕國有封茅土新疏沛豐舊庸闡績著銘爰勒神道榮光自天

天子有詔

大明敕賜開國輔運推誠宣力武臣征南副將軍靖侯追封海國公諡襄毅吳公神道碑銘

洪武十一年戊午前征南副將軍靖海侯吳禎奉詔出定遼是秋以疾聞

上遣暨馳驛視之弗能愈遂與疾還京車駕幸其第問勞有加明年己未五月疾革以其月二十有六日薨計聞

上為之震悼報朝二日詔贈特進光祿大夫左柱國追封海國公諡襄毅仍賜金鐘山之陰俾官給其事葬之日

車駕臨奠加贈賻焉又明年庚申上追念其勞爰救儒臣禮部侍郎臣崧撰文刻諸神道之碑以昭不朽臣崧奉詔不敢辭乃追考公蹟紀戰第而書之謹按公初名國寶後賜名禎字幹臣吳氏世為濠之

定遠人自少時已卓犖有膽略及天下大亂從上起兵里中即能知天命有在與兄江陰侯良俱隸麾下悉

心委事焉自歲甲午乙未西克滁和東渡大江揚威振銳所向無敵由帳前都先鋒為總管陞建興翼院判轉分院元帥

尋為天興右翼副元帥與良同守江陰每寇至輒擊走之首破偽吳張士誠水寨擒其梟將朱定甲辰授英武衛指揮使

丙午寇出馬駝沙

上親督戰追至巫子門寇乘潮逆拒首尾相失公縱兵急擊之俘獲無算是秋從大將軍魏國公徐達率馬步舟師由港口取湖州公勒奇兵出舊館扼之戰以大捷事平遂留戍焉吳元年丁未九月復從大將軍攻圍蘇州連破晉葑二門士誠就執公奉令撫循秋毫無所擾進命大都督府事時方谷珍據明州未下

上以公為征南副將軍從御史大夫信國公湯和往平之公引舟乘潮夜入曹娥江夷坦通道出其不意直抵車廐會降

者言方氏已營壘家入海公領兵追於熅嶼與合戰自申至夜三鼓敗之盡獲其戰船人馬輜重而還未幾谷珍降有

旨由海洋進取福州不數日奄至城下圍其西南水部三門一賊克之時偽平章陳友定據延平作亂明年洪武元年戊

申進破延平擒友定閩海平公歸次昌國會海寇葉陳二姓聚劫蘭秀山公調兵立勦之三年庚戌朝廷定功行賞進

開國輔運推誠宣力武臣榮祿大夫柱國吳相府左相靖海侯食祿一千五百石賜以鐵券使子孫世襲焉五年壬子

詔大發兵東戍定遠命公總舟師數萬由登州轉運以餉之海道險遠人用藉虞公調度有方兵食充羨折衝風濤如

履四達尋召還七年甲寅海上警聞公復領沿海各衛兵出捕至琉球大洋獲倭寇人船若干俘于京

上益嘉賴之常往來海道總理軍務至是歸自遼東而疾作不起矣公生以天曆戊辰六月二十一日薨以薨之閏月十三日享年五十有二曾祖三七府君贈鎮國將軍僉大都督

試讀結東：需要全本請在 線 購 買： www.ertongbook.com

府事獲軍追封穎上縣子妣周氏追封穎上縣子夫人祖十一府君贈驃騎將軍都指揮使護軍追封延陵伯妣劉氏追封延陵伯夫人考以龍府君贈榮祿大夫同知大都督府事柱國追封渤海侯妣葉氏追封渤海侯夫人配李氏封靖海侯夫人子男五人長堅西安護衛鎮撫側室陶出也次忠羽林左衛鎮撫夫人李出也次端次洪五十皆廢出女十人其第五女許爲 相王妃尚在室惟公以驍勇之才際興王之會鍾英淮甸立勳遼海致位公侯而不矜不伐盡瘁所事真古之名將哉是宜銘銘曰

赫赫景命大明當天

帝業所基公侯出焉桓桓吳公有乞其勇顧瞻在廷五立山

登元政不綱

帝憫下民爰揮天戈掃除妖氛始克祚和旋拔采石飛渡大江曾不終日公時在行兄弟齊一莫不率從于城是力

帝命汝禎言守江陰鄰敵授首遠人歸心南收丹陽東畧無錫建興策功英武躡職寇窺海口縱兵擊之風從潮生彼逆

不支從攻吳興機畧周布捷出甯館柅其歸路進拔荊門東

定姑蘇擒厥大酋獻于京都

帝念爾勞陞秩督府不曰四明亦肆違拒逆厲戈甲往貳征

南挾潮而飛颺旗電帆捲金伐鼓壁其城下寇窮而遁騰落

萬馬躡景追風執訊凱還鯨奔鯢伏海濟雲鮮張方告平閩

海方急千艘南馳殲彼勦敵三山既隳延平遂通麾旌所指

列郡來同公歸自南蘭秀連梗鋤而闢之海道昞昞

帝曰靖海實汝之功茲命汝侯往承其恭煌煌鐵券翼翼命

秩恩延子孫功翼 王室載授征虜督餉定遠白粲建雲觀風不搖樓臺發危出沒大洋受獸獮之

皇威以張茫茫遼海烈英勇弘將畧茂對

天寵方召元老曹周世庸氣應德符千載一逢維天祐賢公

宜永福何疾之嬰遽此不淑儀曹考行贈謚有光鍾山佳城

天設地藏神道之左有石疑疑儒臣作銘昭示無極

皇明文衡卷之七十二

皇明文衡卷之七十三

神道碑

大明勅賜故開國輔運推誠宣力武臣特進榮祿大夫右柱國衛國公追封寧河王諡武順鄧公神道碑

朱夢炎

洪武十年冬十有一月初九日開國輔運推誠宣力武臣特進榮祿大夫右柱國衛國公鄧愈自河州召還至壽春以疾薨訃聞

上哭之哀為輟朝三日詔追封寧河王諡武順其月十九日柩車至三山門車駕臨奠且親視其墓地而舊坐在鳳臺

鄉者狹隘弗稱

上乃遍覽傍近岡阜擇於城南西山之原寬平爽境敕有司營建墓兆仍命遷王母夫人及弟暉之喪同葬焉凡喪事所

須皆官給之恩至渥也

上猶念其功不已召臣夢炎等於廷諭之曰愈事朕二十二年東征西討勦勢至甚歷鎮八州有功無過爾其撰文刻之

石以昭不朽臣謹按公曠所載賜名愈泗州虹縣人三世弗仕以王貴曾祖父大公贈晉善大夫中書右丞追封臨淮伯

曾祖母孟氏追封臨淮伯夫人祖父大公贈榮祿大夫中書平章政事柱國追封南陽侯祖母戚氏追封南陽侯夫人父

諱順顯贈特進榮祿大夫大都督府右都督右柱國追封衛國公母張氏追封衛國公夫人王生而壯偉幼有大志勇力

過人元季壬辰天下雲擾王父衛國公起兵于鄉遂成臨濠與元兵戰死之王兄友隆代領其眾未幾友隆病卒眾推王

領軍事年方十六王出戰必挺身破敵軍中咸服其勇歲乙未

上駐師滁陽王自盱眙率所部來附充管軍總管其年夏六月從渡大江克采石取太平繼而元將孛于海牙以舟師扼

采石陳也先合兵數萬逼城下

上親督兵禦之調王與魏德公以奇兵出其後大破之生擒陳也先丙申三月定金陵拔溧水破鎮江王皆與有功陞元

帥出守廣德冬十有一月長鎗謝元帥率眾來寇王出城奮擊俘其總管武世榮及軍士一千餘人丁酉三月轉行樞密

院判移戍宣州七月領兵取休寧績溪衆勝克徽州元將敗走十月浙江苗揚元帥率眾十餘萬來攻城時徽州新附城

郭未完守禦之器未備王激厲將士明之賞罰與越國公胡大海等分門並出奮兵力戰大敗其衆生擒部將胡辛等一

百五十八人賊衆奔潰婺源元汪同僉領兵來降戊戌正月擊破鐵木兒不花元帥寨斬首五百餘級追至婺源東門擒

殺鐵木兒不花獲士卒二千餘人遂克婺源三月取嚴州四月攻淳安縣賊帥金子珍敗走獲馬一百餘匹降其頭目軍

士三千餘人遷同僉樞密院事五月浙江苗揚復率眾屯徽州烏龍嶺拒却之九月轉僉書行樞密院事已亥正月領兵

略浙江臨安大敗張寇於閩林寨庚子七月鄱陽院判于光右丞余椿擊走偽漢部將辛同知取饒州遂以其城來附有

旨命王往鎮之饒城彭彞湖而偽漢王陳友諒尚據江州數遣舟師來攻城王斂兵東門外與余椿丁光等連營以拒之

屢戰其製賊兵遂退辛丑正月除江南行省參政仍兼僉書

行樞密院事總制各翼軍馬饒之境內弄兵者尚懷疑阻王推誠結納撫以恩信於是左丞吳宏等皆請降八月領兵襲馮梁偽叅政侯邦佐棄城遁八月取樂平擊敗蕭總管五千餘衆擒萬戶彭壽等六十八人饒境悉定進取江西十月駐兵於臨川之平塘時鄧克明據撫州遣使通欵而實無獻城之志王知其情卷甲夜趨比旦入城克明單騎遁翌日遣人以分省印來獻王號令嚴肅秋毫無犯江右之民室家相慶爭持牛酒迎勞王悉却而不受是時

上親討偽漢王陳友諒於江州友諒敗走遂下江西命王以步兵來會車駕至南昌有旨授王江西行省叅知政事留鎮之時壬寅正月四日也癸卯夏四月陳友諒悉國內之兵圍江西江水暴漲寇舟直抵城下王與諸將協謀固守屢挫其鋒賊勢大沮相持者凡三月會

上親率援兵至湖口友諒懼而退大戰康郎山友諒竟死甲辰三月新淦土豪鄧青叛以卒二萬人據永豐王調兵破之擒首賊胡理問劉右丞五十一人八月從開平王平臨江之沙坑麻嶺十洞諸山寨合兵圍贛州降之南安南雄韶州皆送欵乙巳正月進江西右丞加湖廣行省平章出鎮襄陽西抵巴蜀北控河洛烽火相望新附之民未有定志王撫而鎮之民懷其惠軍忘其勞遐邇悅服吳元年十月擢拜御史大夫洪武元年命大將軍經略中原而以王為征戍將軍征取江淮未取州郡三月攻唐州克之又取南陽生擒蔡國公史克新等二十七員軍士一千五百人馬一百五十四匹七月克隨州右丞王誠降九月進取洪山老馬劉寨夜四鼓斬關而

入擒殺甚衆冬十有一月率兵討蜀河奔張獲之金商均房之境悉定三年命王為征虜左副將軍平隴右大敗王保保于定西招諭河州土蕃諸酋元帥何鎖南普花兒只汪來等皆納印請降於是河州以西朵甘烏思藏等部來歸者甚衆冬十有二月定功行賞特封衛國公食祿三千石賜以鐵券五年命王為征南將軍討澧州等處溪洞蠻夷平之九年吐蕃所部州城邀阻烏思藏使者掠其輜重有旨命王為征西將軍往討之十月王與副將分所將兵為三倂力齊入覆其巢穴窮追至崑崙山斬首不可勝計獲馬牛羊一十餘萬上嘉其功遣使召還未至薨王以元後至元丁丑二月十五日生享年四十有一兄弟三人長即友隆弟啤仕至羽林衛指揮僉事先王五年卒夫人曹氏側室王氏徐氏子男五人長鎮羽林衛鎮撫次銘次鐸次銓次太平奴皆庶出女四人長女夫人曹氏出也為秦宮妃次適河南護衛指揮周燦餘尚幼孫女一人王之葬也以是年十有二月二日丙午惟王器量宏偉而沉毅簡重謙恭慎密而奉公守法臨大敵而不懼有大功而不矜又能禮賢下士寬惠愛人廣德宣州徽嚴饒撫南昌襄陽八州之民至今猶懷其德事母夫人能致其孝撫弟幼孤能致其愛蓋不獨將略之雄兼有君子之行宜乎為國元勳光輔

帝業而膺

上眷之隆者也謹再拜稽首而為之銘曰

聖皇受命地闢天開掃清六合鼓舞群材惟武順王雲龍風虎杖策來從誓以身許飛渡大江奮戈前驅斧堅摧鋒何敵

不除一舉姑熟再舉連業馳電型百戰百捷玉節飛雲金戈凜霜有赫其威往往征群方乃輯折東乃撫江右大闢煌煌

屬我城守執謂狂豎而敢馮陵自速厥辜江漢底平帝用有嘉平章胡廣駐節荆南委資開蕩化仇而恩循暴而柔以德輔刑澤及八州武功告成四海一統爵以上公受天之寵烈烈征西極討窮追殲彼大戎張我皇威召還有期

中道而逝

九重痛悼三軍隕涕念王之忠開拓建功念王之德無忝始終何以報之王封是錫哀衣綉裳光黃泉宅西山之原墓門有石視此刻銘永錫無極

大明開國輔運推誠宣力武臣榮祿大夫柱國同知大都督府事江陰侯追封江國公諡襄烈吳公神道碑銘 吳伯宗

洪武十四年十一月二十六日開國輔運推誠宣力武臣榮祿大夫柱國同知大都督府事江陰侯吳公以疾薨于青州

十二月訃聞

皇上為之憫悼轍朝三日 詔所司定贈諡加贈特進光祿大夫上柱國中軍都督追封江國公諡曰襄烈遣使者迎歸以歸洪武十五年二月丙子 賜葬鍾山之陰

上念其功不已命詞臣撰文勤諸豐碑以垂不朽伯宗職居翰林屬當執筆謹敘而銘之公諱良姓吳氏鳳陽定遠人初名國興後賜今名氣岸雄偉性質剛直與弟慎俱以勇力稱

元末群雄並起海內鼎沸

皇上以聰明神武伏大義奮起布衣公兄弟委身相從服勤

左右

上深器焉甲午秋從

上取滁州乙未春從克和陽常為先驅戰皆有功六月從渡大江與元兵戰於采石 拔其營乘勝克姑孰尋下溧水溧陽丙申從定建康戰功為多又從今大將軍太傅魏國公徐公

達克鎮江下常州屢著功勳歷陞軍職丁酉下江陰命公以指揮使領兵鎮守時偽吳張士誠據姑蘇跨有淮東浙右地大物眾兵食富強實江南一勍敵而江陰正當東南要衝喉

襟之地士誠又多變詐動以金帛啗誘將士公行上諭之曰彼以其詐我以吾誠爾為邊將慎守封疆約東土卒毋外交毋納逋逃毋逐小利毋與爭鋒惟保境安民而已

公奉命惟謹繕城池遠斥埃利器械嚴部伍士卒無敢逃亡無敢出境生事者敵亦畏公之威不敢侵犯數年

上親將兵下江西克湖廣平偽漢陳友諒大軍屢出而無東顧之憂者以公之扞敵也丁未大軍克姑蘇士誠面縛

上以姑蘇承士誠割據之餘力戰乃服必得剛毅有智略者鎮其地遂以命公公至奉宣

皇上盛德紀律嚴明號令整肅軍民輯睦咸得奠安洪武三年天下大定論功行賞以公有守江陰之功封爵為江陰侯食祿二千五百石賜以鐵券子孫世襲 恩至渥也廣西右

江諸州僻處炎徼去中國遠數千里前古號為要荒乍臣乍叛唐宋以來羈縻而已元都北方相去益遠姑息尤甚輿俗狃於仇殺數侵益邊境五年春命公將兵討之公率兵深入跋履崇山踐歷險阻剪除荆棘衝冒瘴霧勤勞特甚數月盡

平其地俘獲不可勝計自是溪洞夷獠畏感懷德華心向化
輸租賦奉法令同內地焉先是

上稽古制建親王為盤石藩屏 齊王受封青州命公營建
王府宮殿社稷公經營區畫部署軍卒並手偕作功成而民
不知勞公留青州二載得疾而薨享年五十有八公自起身

行伍至為將帥受封爵始終一致有功無過故其薨也
上深惜之恩禮有加焉公存時以公貴推恩三代曾祖三七
府君贈鎮國將軍僉大都督府事護軍追封穎上縣千妣周

氏追封穎上縣子夫人祖千一府君贈驃騎將軍都指揮使
護軍追封延陵伯妣劉氏追封延陵伯夫人考似龍府君贈
禁祿大夫同知大都督府事柱國追封渤海侯妣葉氏追封

渤海侯夫人配高氏封江陰侯夫人子男二人長曰高神策
衛試指揮使次曰壽安女三人在室公弟禎亦以勳封靖海
侯追封海國公先公三年薨嗚呼古今豪傑之士際風雲之

會攀龍附鳳竭忠勤樹勳烈以名世者多矣未有如公兄弟
同遇 聖朝同立大勳同膺高爵輝映赫奕若斯之盛者也
是宜勒諸貞石以光前古傳後世而垂無窮豈止照耀泉壤

而已哉銘曰
天啓洪運

大明肇興豪傑率從霧擁雲蒸桓桓吳公剛毅英烈異才間
出萬人之傑天戈義旗飛渡大江爭先敢勇敵莫敢當既定
金陵亦下京口公俱在行厥績多有江陰崇墉東南要衝屹
若砥柱維公之功姑蘇新附命公綏靖紀律嚴明大小從令
炎荒僻遠命公徂征歷代羈縻慕義來庭功成汗馬名載竹

帛兄弟二人並著開國河山賜誓列侯疏封慶延後嗣與國
無窮生榮死哀富貴終始進爵上公錫謚具美鍾山之陰有
碑穹然勒銘紀功何千萬年

皇明開國輔運推誠宣力武臣榮祿大夫柱國西平
侯追封黔寧王諡昭靖沐公神道碑 王景

皇明以神武定四方混一區宇懋德禋祀東漸西被罔有內
外時則有若貔虎之士翊運之臣汎掃爬梳用能威和天休
以集大命草昧之初各奏爾功歸于有德也至于內託肺腑

而建不績者則成于天地涵育之功也是以一舉而開閩關
大業闢矣再奮而運斗樞大政立矣三厲而西略自西徂南
大統一矣翊亮之功昭茲甚明此

皇上之所以始終垂眷大有造于黔寧也王諱英字某姓沐
氏鳳陽定遠人元季天下難作王在童稚喪所怙鞠于母氏
母氏復物故時

皇上龍飛鳳陽往拜于門
上奇而育之賜國姓既長機敏過人數從征伐終日侍側無
戲色亦無情容弘量孝恭出于天性

上益奇之滋欲試以事壬寅授帳前都尉出鎮鎮江焯有聲
績甲辰除廣武衛親軍指揮使軍府肅然尋加昭勇大將軍
廣武衛指揮使軍府益律戊申春正月

上即皇帝位改元洪武既定鼎命王從征福建擒元平章陳
友定三月復王姓鎮建寧三郡三年陞鎮國將軍僉大都督
府事四年陞榮祿大夫同知大都督府時天下兵樞交鑿治
出聲生稱 上意旨中宮允屬望焉九年乘傳絲陝右抵熙

河布德澤康遠人事有不便更張以聞明年副寧河王總大兵征蕃部西渡黃河略川藏耀兵崑崙轉戰千里俘虜萬計班師論功封西平侯開國輔運推誠宣力武臣階仍舊榮祿大夫勳柱國食祿二千五百石賜鐵券又明年八月拜征西將軍將兵征西蕃降元萬戶乞失加三副使舒朵兒只阿烏都兒人卒二萬雜畜二十餘萬是行平朵甘納隣七站地數千里十三年以陝西兵征和林元國公脫火赤等略以集乃渡黃河回賀蘭涉流沙偵騎報去穹廬五十里王分為四翼自以驍勇衝其中堅銜枚夜薄其營生擒脫火赤知院愛足全部皆降明年領軍從大將軍出古北口襲公主山長寨平四郡過驢駒河虜知院李宣還京副征南將軍統兵征雲南繇辰沅出羅鬼攻普定下之攻普安又下之轉戰而前元梁王把匝刺瓦爾密以司徒平章達理麻軍曲靖會大霧咫尺不辨壓白石江兩軍相望征南欲濟王曰我軍遠來利在速戰然眾未集不若以計破之乃陳兵陽若渡者遣奇兵從上流濟草山出其陣後為疑兵元軍見之陣動王麾軍泗水渡元軍亦卻陳我師既成列鎧仗鮮明彼皆奪氣遂大戰自旦至晡蹀血震蕩王從鐵騎撞之出而復入生擒達理麻于淖元兵遂大清僵尸相屬乘勝蹙之勢若拉朽梁王棄城走死之收其金寶撫乂其民列衛布守諸郡皆納款唯大理不下王率兵攻之段世據龍尾關關險王分一軍夜從間道登點蒼山襲其背黎明王策馬亂流攻關關不守至城前後受敵擒世拔其城會川永昌皆平間使下車里下緬不決十辰雲南底平夏王與征南分兵東平烏蠻餘寇諸部謂王師東下

復叛夷兵二十餘萬圍雲南四十餘日王以鐵師萬人馳球之虜聞拔營夜遁時曲靖永昌皆失守王次第復平之事聞詔征南班師王留鎮焉二十一年春平摩沙勒斬首千餘級三月思倫發以三十萬寇定邊東川廣西往往遙應之王率軍三萬禦之期日合戰至期分軍為三蠻以象乘高撞我右軍右軍少却王下令曰却者斬左軍與之麁中軍右軍夾攻之聲震山谷蠻酋刀斯郎斃于象蠻師大奔斬首無算俘萬餘人盡獲其軍實思倫發遂降秋七月東川平冬十月廣西平誅者滿矣情伴五千餘明年平越叛阿資冬朝京師錫宴奉天殿賜金銀楮幣繒絲以萬計尋還鎮

上慰曰爾在雲南朕無南顧憂二十四年阿資復叛王親擊之阿資僅免有詔命王還鎮以僉都督何某為平羗將軍代統其兵討之阿資來降秋遣使招八伯八伯來貢八月錫七

甲明年夏六月某日王立聽事忽仆于地侍者扶入曰我中風不能起受

皇上厚恩不能報矣遂薨時年四十又八軍民罷市巷哭計

聞

上哭之慟輟 朝制文遣禮部往祭命其子椿以喪歸葬發軍護送所至百司祭于道十月戊午王喪至自雲南

上遣中使往祭明日追封黔寧王諭昭靖賜塋于江寧長泰鄉觀音山時某年某月某日也 勅百官郊送比塋

上諭祭者三

皇太孫親王遣祭者再部府諸司祭者一會祖考某祖考某父某竝追封黔寧王曾祖妣某氏祖妣某氏妣某氏竝追封

黔寧王夫人明年朔豫功臣廟 敕太常祀以太牢凡葬費皆給所司不煩其家雲南民夷請立廟守臣以聞 制曰可初娶馮氏故追封穎國公國用之女先王辛追封黔寧王夫人再娶耿氏故贈長輿侯其之女子男五人曰椿馮夫人出也

上賜以名由後軍都督命事龔爵西平侯今鎮雲南孝友忠勤民夷悅附以丘集越叛阿省威震諸夷可謂能繼王之志矣曰其耿夫人出也僉後軍都督府事曰昌曰景曰昂側室出也女四人孫女二人夫天地之道尚孝而右忠帝王之政褒德而顯功王在鎮之二年 中宮皇后薨水漿不入口三日斬哀臨終喪三年

皇太子薨喪毀逾禮因以成疾孝足稱矣初莅督府以大學有正心之要綱目得春秋之旨太極圖明天人之道出師陳情表著忠孝之實終身披誦不輟家事治而事上必本于忠勤在鎮之日侍衛不過數十人德可徵矣其駁軍也敵攻無堅城守必飭從征討則效忠獻謀塞旌斬將及為戎首則神機橫發出奇制勝功出漏刻有古良將風功可尚矣其為理也弘毅寬裕招納賢士長駕遠馭恩威兼下墾田至五十七萬畝而軍實充連歲用師小大戰數十而軍士豫附忠可見矣嗟乎忠孝昭于身天下仰其光功德著于時天下被其澤王之事

上有子道焉有臣道焉 上之撫王有君道焉有父道焉非他人為君臣者並也生榮死哀可謂宜矣銘曰

聖皇啓運受命自天王氣浮淮有開必先暨暨將臣天挺神武鼓盪風雲闔闢寰宇五神闡珥珥生異人依光日月下上星辰風雲景從發迹海邦遂荒其區遂益其吭沈沈樞府我寵居之秩秩

皇猷我儀圖之載敷恩澤西涉渭源載敷國威西上崑崙賀蘭之墟流沙之阻兵不頓刃霆驅星昴茫茫井絡氣交神州載清載夷投鞭斷流式遏王誅自爾南夷日月出矣燭火何施

天兵一麾仆山摧壑封其鯨鯢以示大儆額頌其城大轟高牙萬方攸同六合一家布德施威一紀是釐香爽蘭味莫不惠來

皇帝曰咨予嘉乃績黃金大帶龜判琮璧鈞天無人陟帝左右

帝曰嘻哉朕心曷究追王黔寧錫北京畿以享以祀以介繁禧推尊主爵上及三世澤逮漏泉無幽不屆子孫繩繩世有封爵允忠允孝以求天祿觀山之原神道有門刻銘貞石以勸殊勳

皇明文衡卷之七十三

皇明文衛卷之七十四

神道碑

勅贈開國輔運推誠宣力武臣榮祿大夫柱國同知大都督府事陸安侯許國襄簡王公神道碑銘有序

劉三吾

許國襄簡公既薨有年洪武之二十年冬十有一月己亥皇帝御奉天門以工部奏公墓隧之石已具勅翰林學士院為文賜其家俾鑿焉臣三吾職在紀述不敢控詞則退而稽其世次官代行事之實序而銘之臣聞天生

聖上聰明時又當元政稅僻寓內幅裂群雄角起資以君主治其爭亂則有能罷之士不二心之臣若徐常兩王佐命討伐襄簡王公單秉義效順以會其成功大一統之業者

亦天所畀予者哉公姓王諱志世鳳陽臨淮人性鷲猛有智謀臨陣對敵果毅無前至正壬辰三月土寇蜂起舉鄉兵取

涿州且守且進甲午前克涿州勢劇破竹知天命攸歸在今上疏附來從乙未濟工尋采石太平破中承蠻子海牙水

寨進援建康丙申七月調隸總兵同簽樞院徐中山圍常州屢薦柵先登身犯矢石功聞授懷遠大將軍右副元帥丁酉

三月常始下公功為最後恢復宣州江陰宜興高郵等州府多著戰績中山悉其能公克摠其智勇故也辛丑秋九月侍

上親下安慶諸郡邑壬寅夏四月復隸中山身先馳戰江西諸州縣望風崩角癸卯八月乘海艘從 御舟蹙陳友諒于

彭蠡友諒中流矢死擊走其餘黨于注口之水寨甲辰三月

上親征湖廣武昌公暨諸將一粟 膏華與賊還最遂下之

載從中山復廬州拔安豐逐北姑蘇張士誠軍陞飛熊衛親軍都指揮使總兵守禦陸安州明年春改授陸安衛指揮使戰守嚴緘敵讐民附戊申春正月

上正宸極國號大明改元洪武其夏五月奉 旨將本衛兵征迤北次汴梁尋調征河南冬十月從馮勝宋國公度黃河

迤邐進取懷慶澤潞等府州往往所部直前無堅陣是臘徙鎮平陽居三年移守漢中仍駐師陝西明年將其全軍深入

察罕腦兒絕塞却胡遠遁還軍平陽冬十一月 勅贈開國輔運推誠宣力武臣榮祿大夫柱國同知大都督府事封陸

安侯五年從中山征朔漠大獲虜而還九月又從傅友德今親國公征雲南所向克捷十七年凱還京師十九年八月十

七日以疾薨于第

上為之震悼罷朝贈賻有加追封許國諡襄簡公生正統乙亥正月九日春秋五十有二薨之十月二日勅葬鍾山之

陰曾祖考四一公鎮國將軍命大都督府事護軍追封羅山縣子妣董氏追封羅山縣子夫人祖考五一公驍騎將軍親

軍指揮使護軍追封太原伯妣竇氏追封太原伯夫人考六三公榮祿大夫同侯妣潘氏追封陸安侯夫人室潘氏從封

許國夫人先公薨生至順壬申五月十九日薨洪武庚戌三月始葬鳳陽臨淮至是從公附焉生男四人長威次域次璣

次琛女一人適黔國公子景祐孫男三女二孫公功行是宜銘詞曰

先時寓內助勦弗靖丞民有主資以戡定效用者將鷹揚其人徐常兩王開國蓋臣各有瓜牙奮其威武惟襄簡公久佐

徐府既定江淮亦拓中原自河徂陝益西其隸孫淮而北極是朔漢轉征雲南卓著勇略最公在軍沐雨衝風惟知徇國建郵厥躬陸安受國方倚天不救遺黃梁遽夢上為震悼郵典是頒許國襄簡爵諡且完鍾山之陰公所藏室壽正名垂燁然竹帛有桓其表有穹其碑千秋萬禩永無期

勅贈開國輔運推誠宣力武臣榮祿大夫柱國同知大都督府事肇昌侯追封陝國公諡宣武郭公神道碑

洪武二十年冬十有一月己亥

皇上御奉天門工部侍郎臣秦達奏故肇昌侯墓道之碑已具宜得文及時鏡之有旨翰林學士院製文臣三吾職在詞垣不敢以才學誦淺為辭謹按其世系功勳年爵次第而銘之臣聞 天與

聖代大有為之君必篤生瓌偉英勇之將與之會遇以輔成其大業雖人也實天也當元季王政不綱在所裂裳為旗荷挺為兵草野自雄罔所適主時則

今上皇帝龍興鳳陽天人合應有若中山開平兩公傑出其間是固功無與儼矣其所趨向先後疏附厥有成蹟若肇昌侯臣郭子興者亦豈偶然哉子興世鳳陽人拳勇有膂力善騎射自癸巳歲起兵首隸元帥郭某麾下即知所適主明年得滁州又明年得和州亦既從 龍濟江若采石若太平

若溧陽溧水所向崩角義勇之聲日以瀑矣丙申三月隨大軍進拔臺城先登授管軍總管繼陞統軍元帥攻圍常州身

犯矢石晝夜不解衣甲為生蠟黥九閱月城始下被賞優渥載調克宣州江陰宜興婺州安慶衢州勢剽破竹士寅分兵之江西南昌得其全城癸卯八月進克鄱陽彭蠡之戰海艘駢進戒嚴所部人百其勇陳反諒計廢 中流矢死人知天命有歸矣甲辰春侍

上親征湖廣武昌洒血馳戰多所斬獲用憂功權鷹揚衛指揮使簡在

上心俾從中山王拔廬州拔安豐先陷陣大敗姑蘇張士誠為之奪氣其平襄陽下衡州定澧州辰州轉而縣高郵路淮安截拔湖西湖州坐困姑蘇往來奮力戰中山王以公之勇功聞陞鎮國上將軍大都督府僉都督吳二年正月改洪武元年

上即位有事關陝命領其軍進討中原檢守潼關三年 獻一迹不敢南移成肇昌招度通殘嚴嚴部曲西戎羗夷兩境帖然進封肇昌侯方倚之永鎮西垂而濫先朝露斃于家矣上為之震悼輟朝三日贈贈有加追封陝國公諡宣武以洪武十七年冬十有二月日薨聚寶山之原曾祖考某贈鎮國

上將軍命大都督府事護國追封光山縣子妣某氏從封先山縣子夫人祖考某贈驃騎將軍都指揮使追封汾陽伯妣趙氏從封汾陽伯夫人考某贈學士大夫同知大都督府事柱國追封肇昌侯妣單氏從封肇昌侯夫人配汪氏封肇昌侯夫人皆由公貴也 恩子男四人長景儀卒于五閩次振次宗次官僧公生以某年某月某日薨以其年某月某日壽五十有四惟公自開國以來從龍上下盡瘁所事所至以英

勇斷是故攻無不克戰無不勝視轉萬里之遠歷歲之久若掌輿之朝夕焉雖鋒矢交集飢渴不時咸不避師必盪穢渠究歸報終事乃已其依日月之光仗雷霆之威以恢拓疆宇勒勛而垂者亦人傑也哉詞臣揚厲為職是宜有銘詞曰聖皇受命龍興鳳陽戡定禍亂經略封疆篤生武臣先後相望維陝國公實生

帝鄉沈鷲其勇鐵石其剛乘風雲會依日月光燁麗所指敵摧鋒芒底定東南載戢戎羌萬里之遠如在室堂生前封侯式是鞏昌身後封公亦此西方聚寶之原不食之岡佳城鬱鬱公所固藏詞臣載筆德音靡忘子孫善保奕世流芳

大明左柱國信國公贈東甌王謚襄武神道碑銘

方希古

洪武三十一年九月壬辰

皇帝御奉天門故東甌襄武王之孫昱頓首言曰先臣和沒已三年墓道之碑已具而未有刻文惟陛下憫之俾史臣有述焉制曰可臣昱至翰林以文為請臣謹以其事聞有詔俾為之銘臣乃言曰昔元德既衰天下大亂我

太祖高皇帝以神武明聖之首哀生民之無辜奮袂一麾四方響應交夷僭盜蕩滌兇奸十餘年間遂濟大業雖曰天命所屬不以智力然猛將名臣之勳著于王室有可徵者昔王之歸鳳陽新第也

高皇帝有餞賜之勅其薨也有祭誄之文

帝自謂與王同受知滁陽稱其智勇過人命勒石以紀芳績聖情深厚矣今

陛下不遺舊而賜銘其碑以寵綏湯氏實行

高皇帝之遺志臣執筆從太史後何敢卒讓謹按故開國輔運推誠宣力武臣特進光祿大夫左都督左柱國議軍國事

信國公追諡襄武封東甌王姓湯氏諱和字鼎臣世居鳳陽縣之東湖里曾祖五一府君祖六一府君皆以王貴追封信

國公考七一府君贈特進光祿大夫右都督左柱國追封信國公會祖妣某氏祖妣周氏妣謝氏俱封信國夫人王幼喪

二親卓越有奇志嬉戲常習騎射指使群兒父老異之及長身長七尺個儻統智略元至正間豪傑多起兵據郡縣王亦

思自奮拔以取富貴壬辰歲聞滁陽王據濠兵勢強率所厚壯士千餘人仗劍從之滁陽王奇王驍勇置之麾下使從諸

將略地每在前行命為百戶取九灣攻濠之定遠得兵千五百人擢為千戶時

高皇帝處滁陽王甥館王委心推奉率兵從大洪山寨得兵八百陞長萬夫復從攻滁州其守帥以功多授管軍總管招

集士卒益眾又明年甲午帝自取和州諸將多滁陽王舊部曲願望未盡劾臣禮惟王

以所領兵聽命甚謹帝心嘉焉會義兵元帥陳也先復攻和州王與將士擊走之

乙未六月帝渡江下采石定太平王獲敵馬三百士卒稱是既而也先

與其將康將軍水陸分道寇城王繫其水軍矢中左臂怒氣益奮中山王徐公達寧河王鄧公愈帥師由東門轉戰城北

破其步軍遂生擒也先以獻王分兵取溧水句容克而守之

丙申

帝定建業三月王偕中山王取鎮江一日克其城兵不血刃
陞統兵元帥復同中山王取金壇及富莊七月轉同僉樞密
院事丁酉三月克常州奉 命鎮守其地攻取江陰明年僞
吳張士誠兵寇常州王力戰却之擒其卒三百十月復來寇
俘甲士千餘舟數十艘馬數十匹賊勢為之少沮壬寅偕中
山王攻無錫癸卯大破士誠兵于楊山斬其棗將獲甲首五
百級逐其別將莫將軍虜其妻子以還拜中書左丞甲辰士
誠弟偽丞相士信寇圍長興王率步將吳福與會開平王常
公遇春軍合戰士信大敗而退超遷中書平章乙巳擊江西
劇盜姚大膽斬之遂取永新州戮偽左丞周安等籍士馬歸
于京師仍出守常州丙午

帝命諸將伐士誠略大湖營手獲館降偽將呂左丞等虜其
兵二千馬八十四匹轉戰湖州守將張右丞降進擊吳江州將
不能格亦降遂薄姑蘇闡之明年丁未為吳元年九月中山
開平與王益督兵力戰卒平姑蘇縛士誠以歸三吳悉定除
御史大夫兼太子諭德階榮祿大夫時方谷珍據臺台慶元
三郡與士誠比境聞士誠敗固已震恐王督諸軍征之谷珍
懼東大船逃匿海島中王遣人持書諭以 國家威德谷珍
即率昆弟子姪待罪軍門得兵械舟楫以萬計所至不擾王
之功居多乘勝下福州戊申

帝即大位改元洪武王略定閩中諸郡至延平王帥陳友定
古險構甚令其副出城降觀望持兩端王虜之以歸東南海
上晏然歲九月

帝幸沐梁主富危從既而與宋國公馮勝取懷慶澤潞晉絳
二年同中山王拔河中渡河入潼關趨鳳翔越六盤關隴
北取寧夏至察罕腦兒復其益將虎陳定東勝大同宣府皆
以勞先諸將九月還京師論功行賞錫以鐵券封中山侯號
開國輔運宣力武臣階榮祿大夫勳柱國祿一千五百石明
至珍乘中國亂僭號四川以重慶為都王珍死其子昇立四
年詔王及德慶侯恩永忠統諸將征之昇鎔澤潞峽以遏舟
師王以計敗之水陸竝進直擣偽都昇不能支率其臣屬奉
金寶以降五年同中山王北征窮追和林明年覽通州外郭
八年移鎮彰德覽其城是冬追元通臣伯顏帖木兒于察罕
腦兒獲馬牛羊無算十年正月元日

帝念王之功加號推誠位特進階為光祿大夫職為左都督
勳為左柱國爵為公國于信俾議重國事加祿至三千石仍
賜鐵券王益恭畏不自驕盈繼與岐陽王李公文忠練交于
鳳陽鳳陽濠之賜名也明年巡撫西河州繕完其城郭營舍
十四年偕中山王北伐下灰山擒其平章別里哥及樞密副
使又通又明年 詔至四川求寧治壩濠飭士馬十八年五
關山徭為亂王帥師討之夷其窟穴俘虜四萬人及入
朝王以春秋高思歸故鄉從容乞骸骨群公次第以為言
帝喜之賜寶鈔五萬俾造第宅於鳳陽而謂王曰日本小夷
屢擾東海上卿雖老強為朕行視要割地築城增戍以固守
備王築海上數十城民四丁取其一為兵以守之二十一年
新第以成告宰妻子 陞辭賜白金以兩計者二千黃金以

兩計者三百鈔以緝計者一萬五千文綺四十端信郎夫人胡氏亦賜金錢文綺甚厚俱降手救褒嘉之二十三年元旦朝于京師忽被未疾且失音不能言

帝聞之大驚即命駕臨視嘆惋久之遣歸故里十月詔王子將命召至邸賜以安車入殿廷燕勞備至復厚資俾歸以俟有瘳二十七年王疾彌甚不能興

帝思見之特詔輿入親手為摩撫語及鬻勞對之雪涕賜鈔六百五十緡預為築墓之資二十八年八月七日薨於里第之正寢至是年七十矣計聞

帝感悼為之不御朝者三日追封定諡親為文授使者以祭命親王咸遣祭于其家棺槨明器冢壙皆官為之以是年十一月十二日葬于縣曹山之原 詔肖像于功臣祠配饗於太廟祥禘必賜祭

高皇帝禮遇功臣加恩于王恩禮之隆時莫與比夫人有婦德明詔稱其賢子五人曰鼎署前軍都督府僉事曰軌太原中護衛鎮撫曰霖曰寔皆早卒曰體同知左軍都督府階榮

祿大夫將兵征五開卒于軍女五人長適德侯廖雅次為會王妃次適萬泉衛指揮俞鼎次適景東衛指揮賴鎮之于濬

次適楚雄衛指揮袁義之于與孫男十一人曰昱暹昇晟勳号昇昇吳昇晟其嫡也孫女四人曾孫男一人女二人皆幼王沉毅質直勇而善斷不妄發言入聞 國論一語不泄

于左右行師受任有 詔即行不少顧家臨敵果敢堅及未嘗挫血有語及兵書者輒吟曰臨陣決機在智識敏達耳何

黨父老及孤貧無告者貴任公宰及歸田里見故交遺民意驩如也厥後群公多先物故而王獨享壽考以今名終斯固保身之道而始終不倦可謂盛也已今

陛下追惟創業之艱頭揚刻銘使播不朽豈獨蓋覆湯氏之子孫蓋以昭揚

先帝之功德而垂萬世也是用備著其事而緘銘曰於昭上帝視下孔仁降聖儲才相慈庇民民之顛墜俾

聖康之復俾賢臣佐而襄之有元既衰天厭其亂賢生高皇拯綏大難龍奮于潛八極晦冥英傑如雲翼之以升惟

東驥王既智且武灼知天命早識真王眾方夢夢未決所從獨斷不疑委身效忠臣或擇君杖策千里生于

帝鄉其社孰似寶劔彫戈折衝四方如虎如龍驅彼犬羊披淮濟江以作京邑京邑既成

皇業乃集東溟偽吳坐鎮毗陵不羈不傾仗義為城帝德日宣遠懷邇服王率之行勢若破竹既平姑蘇元惡就

謀威鎮東南暨于海隅乃清關隴乃平幽冀萬邦來同獻其琛貝 帝曰念哉劬我元勛爰啓土疆流慶後昆中山建侯遂公大國招冠金劔綉裳赤鳥海宇晏寧慶美為華民休田間穀衆 絲麻王亦白髮燕嬉甲第伊誰致之 天子之賜 天子有詔共樂太平文錦兼金侑以百朋內暨夫人亦受龍 錫圖書爛然觀者動色天實生才股肱